



O ai ou te faafesootaia mo nisi faamatalaga?

Faamolemole faafesootai le faiaoga a lou alo, o le puleaoga, faufautua, po o se tasi o le aufaigaluega, e te iloa ai pe fetai le faia o se Awhi Mai, Awhi Atu mo lou alo.

Awhi
Mai

Awhi
Atu

www.education.govt.nz/counselling-in-schools



Awhi
Mai

Awhi
Atu

Lagolagoina a tatou fanau ia maua le ola manuia

Lagolagosua Faufautua
i Aoga

Lagolagoina le soifua manuia o le tamaitiiti aoga

Ua avea nei la tatou aoga ma vaega o le Lagolagosua Faufautua i Aoga a le Matagaluega i polokalame fai a Aoga. O lona uiga ua mafai ona maua i la tatou aoga auaunaga faufautua e aunoa ma se tupe e totogi e fesoasoani ai i le soifua manuia a lou alo.

Ua faavaeina la tatou lagolagosua faufautua i manatu na faaalua mai e tatou aiga ma le aufaigaluega e gafa ma tulaga tau soifua manuia, e lagolagoina ai a tatou tamaiti aoga ina ia mafai ona laasia tulaga lelei i le aoga.

Ua faamauina a matou faufautua uma, ma na filifili lelei i luga o tomai ma agavaa o galuega na latou faia mo tamaiti ma latou aiga. E aogā la latou lagolagosua e fesoasoani ai i tamaiti ma tupulaga talavou ia malamalama i auala e faatonutonu ai o latou faalogona, e pei o le faanoanoa, atuatuvale, mamafa o mea i le mafaufau po o le tuua toatasi, ma iloa tomai fou e gafatia ai.



Soifua Manuia

E mafai ona malamalama i le uiga o le soifua manuia e faacatu lea i le ola, ma e talia ai tulaga tau i le tino, mafaufau, faalogona, agafesootai ma le agaga o se tagata.

O tulaga tau le soifuaga o se tulaga tāua foi i galuega tau faufautua, e puipuia ma siitia ai le malosi ma le soifua manuia o tamaiti ma a latou aiga.

E tāua le pitolaau o faatino e faufautua e lagolagoina ai le soifua maloloina o le tamaitiiti aoga. Latou te galulue vavalalata ma aoga ma aiga, i tulaga e mafai ai, e maua ai le lagolagosua e fetau lelei i le taimi e moomia ai.

E faapefea ona aogā faufautua i totonu o aoga?

Ua faavaeina e la tatou aoga auaunaga tau faufautua e mafai ai ona tali atu i se faiga pito sili ona lelei e ausia ai manaoga o tatou tamaiti aoga.

O lo o faamatalaina la tatou auaunaga i la tatou School Delivery Plan (SDP). Na tuufaatasia le Fuafuaga leni faatasi ma aiga, aufaigaluega a le aoga, sui o le Komiti Faatonu ma le vaega o saunia galuega faufautua mo le aoga.

O lo o folasia i le Fuafuaga auala e mafai ai ona tatou galulue faatasi ma a tatou faufautua e lagolagoina ai a tatou tamaiti aoga.

O ā tulaga e tatau ona ou faamoemoe atu i ai mai lea lagolagosua?

Matou te mananao ia e auai, i tulaga e mafai ai, tatou te galulue faatasi e tuuina atu le lagolagosua pito sili ona lelei mo lou alo.

O tulaga nei o le a tausisia e la tatou faufautua mo le aoga:

- tausia le saogalemu, faamaoni, ma faatuatuaina
- faalogo lelei, iloa le va fealoai, ma faatāua lau aganuu, gagana ma faasinomaga
- saunia le auaunaga leni i nofoaga e saogalemu
- faatino gaiioga i tulaga ua afaina ai lou soifua po o le soifua o lou alo.

E maua le avanoa e te feiloai ai i le faufautua ma faatalanoa tulaga e mafai ai ona aogā leni lagolagosua mo oe.

O le a matou faafesootai atu oe pe a iai se manatu ia i matou e aogā le lagolagosua lea i lou alo.

O le a matou tausisia au aiatatau faapena foi i aiatatau a lou alo i tulaga e patino i le tagata e lē faalauaiteleina ma tausisia le saogalemu o faamatalaga uma.

